



64440

山中白雲詞序



詞盛于北宋至南宋乃極其工姜夔堯章最為傑
 出宗之者史達祖高觀國盧祖皋吳文英蔣捷周
 密陳允平諸名家皆具夔之體而張炎叔夏庶
 幾全體具矣猶仁近謂叔夏詞意度超玄律呂協
 洽當與白石老仙相鼓吹顧白石風骨清勁誠如
 沈伯時所云未免有生硬處叔夏則和雅而精粹
 讀其樂府指迷一書為古今填詞準則夫豈斤斤
 墨守堯章者秀水朱先生竹垞采入詞綜三十九
 闕數已倍于他氏乃猶云吳門錢進士官聲家有
 藏本為陶南邨手書多至三百闕所見猶未及半
 不免漏萬之譏故世甚貴重叔夏之詞而欲購其
 完書不可得康熙乙酉冬余奉

命分纂

御選歷代詞始得竹垞所寄玉田詞抄本時亦未
 知有山中白雲名目也迨己丑春復

命修

欽定詞譜同館樓敬思眎余山中白雲詞蓋錢唐

山白雲詞序

一

成書室

龔氏所刊當是陶南邨手書本子爲完書無疑既而失之嘆恨不能已比上海曹子巢南氏重加校刊惠余一帙余驚喜出望外往時余友周緯蒼謂余云上海某氏有白石詞三百餘闕亦出自陶南邨手書若巢南并購得之並爲刊布則是兩家足以槩南宋從此沂源北宋研味乎淮海清真一歸諸和雅則詞之能事畢矣其有功於詞學豈淺哉雍正四年春二月浣花詞客杜詔書于吳江舟次

山中白雲詞

杜序

二

城書室

吾識張循王孫玉田先輩喜其三十年汗漫南北
數千里一片空狂懷抱日日化雨爲醉自仰扳姜
堯章史邦卿盧蒲江吳夢窗諸名勝互相鼓吹春
聲於繁華世界飄飄徵情節節弄拍嘲明月以諠
樂賣落花而陪笑能令後三十年西湖錦繡山水
猶生清響不容半點新愁飛到遊人睂睫之上自
生一種歡喜痛快豈無柔劣少年於萬花叢中喚
取新鶯穉蝶群然飛舞下來爲之賞聽三外野人
所南鄭思肖書於無何有之鄉

讀山中白雲詞意度超玄律呂協洽不特可寫音
檀口亦可被歌管薦清廟方之古人當與白石老
仙相鼓吹世謂詞者詩之餘然詞尤難於詩詞失
腔猶詩落韻詩不過四五七言而止詞乃有四聲
五音均拍重輕清濁之別若言順律舛律協言謬
俱非本色或一字未合一句皆廢一句未妥一闕
皆不光采信戛戛乎其難又怪陋邦腐儒窮鄉村
叟每以詞爲易事酒邊興豪卽引紙揮筆動以東
坡稼軒龍洲自况極其至四字沁園春五字水調
七字鷓鴣天步蟾宮拊几擊缶同聲附和如梵唄
如步虛不知宮調爲何物令老伶俊媚面稱好而
背竊笑是豈足與言詞哉余幼有此癖老頗知難
然已有三數曲流傳朋友間山歌村謠是豈足與
叔夏詞比哉古人有言曰鉛汞交鍊而丹成情景
交鍊而詞成指迷妙訣吾將從叔夏北面而求之
山村居士仇遠

宋南渡勳王之裔子玉田張君自社稷變置凌烟
廢墮落魄縱飲北游燕薊上公車登承明有日矣
一日思江南菰米蓴絲慨然襍被而歸不入古杭
扁舟溯水東西爲漫浪游散囊中千金裝吳江楚
岸楓丹葦白一奚童負錦囊自隨詩有姜堯章深
婉之風詞有周清真雅麗之思畫有趙子固瀟灑
之意未脫承平公子故態笑語歌哭騷姿雅骨不
以夷險變遷也其楚狂與其阮籍與其賈生與其
蘇門嘯者與歲丁酉三月客我寧海將登台峰於
其行也舉觴贈言是月旣望閩風舒岳祥八十歲

書

詞與辭字通用釋文云意內而言外也意生言言
生聲聲生律律生調故曲生焉花間以前無雜譜
秦周以後無雅聲源遠而派別也西秦玉田張君
著詞源上下卷推五音之數演六六之譜按月紀
節賦情詠物自稱得聲律之學於守齋楊公南溪
徐公淳祐景定間王邸侯館歌舞升平君王王疑
處樂不知老之將至下有梨園白髮凖宮蛾眉餘
情哀思聽者淚落君亦因是棄家客遊無方三十
年矣昔柳河東銘姜祕書閔王孫之故態銘馬淑
婦感謳者之新聲言外之意異世誰復知者覽君
詞卷撫几三嘆江陰陸文奎

聲音之道久廢玉田張君獨振嗟乎喪亂之餘豈
特藉以怡適性情殆將以繼其傳也後之君子得
是帙而邇之則去希微不遠矣况幾經兵燹猶自
璧全非天有以寶之能至此乎尚德君子幸共表
章庶於好古之懷無憾焉耳吳門孝思殷重識

山中白雲詞

殷序

五

城書室

成化丙午春二月朔偶見是帙鶴城東門藥肆中
卽購得之南村先生手鈔者蓋百餘年矣凡三百
首惜無錄日五月初九日輯錄以便檢閱或笑余
衰遲日眩何不求諸善書者曰身健在飽食終日
豈不勝博奕乎何計字之工拙使得時時展玩恍
惚坐春風中聽玉田子慷慨灑落之言笑焉併錄
以記歲月井■時年六十有五

山中白雲詞井序

六

城書室

余曩客都亭從宋員外牧仲借鈔玉田詞僅一百
五十三闕越數年復覩山中白雲全卷則吾鄉朱
檢討竹垞錄錢編修庸亭所藏本也累楮百翻多
至三百首始識向購特半豹耳參殷孝思璧全二
語更閱陸輔之詞旨載樂笑翁警句奇對無有出
於是編之外者知爲完書無疑竹垞釐卷爲八與
諸同志辨正魚魯緘寄白門余復與龔主事蘅圃
取他本校對或字句互異題目迴別則增入兩存
之鈔棗以傳可稱善本繼又從戴帥初袁清容集
內得送贈序疏與詩因附刻於後而其生平約畧
可見余布袍落魄放浪形骸自謂頗類玉田子年
來亦以倚聲自遣愛讀其詞今得是帙日與古賢
爲友移我情矣嘉興李符

玉田生系出朱邸遭逢不偶遺行不少概見今讀
詞集觀其紀地紀時而出處歲月宛然在目如未
卷所賦風入松自識爲至大庚戌作賦臨江仙又
云甲寅秋寓吳時年六十有七則此甲寅實元仁
宗延祐元年也由此知宋理宗淳祐戊申爲玉田
生始生之歲第宋史載張循王有五子琦厚顏正
仁玉田生出誰後惜無攷耳若舒序所稱北游燕
薊蓋在少壯時迨至元庚寅始返江南而年已四
十餘矣其先雖出鳳翔然居臨安久故游天台明
州山陰平江義興諸地皆稱寓稱客而於吾枕必
言歸感嘆故園荒蕪之作凡三四見又安得謂之
秦人乎吾鄉詞人自周清真知名北宋其後與玉
田生同時者惟仇山村爲工他若避俗翁句曲外
史亦有足觀惜皆流傳無幾獨山中白雲得陶井
兩君後先藏護竹垞庸亭傳寫於今幸而不至散
軼余得借以鏤板嗚呼豈偶然哉錢塘龔翔麟

山中白雲詞目錄

卷一

南浦

高陽臺

憶舊遊

四調

淒涼犯

壺中天

卽念奴嬌

聲聲慢

二調

綺羅香

慶春宮

山中白雲詞目錄

一

城書室

國香

臺城路

卽齊天樂
二調

三姝媚

二調

甘州

二調

掃花遊


二調

瑣窗寒

二調

木蘭花慢

疎影



渡江雲

水龍吟

摸魚子

風入松

鳳凰臺上憶吹簫

解連環 二調

滿庭芳

卷二

臺城路

三調

山中白雲詞目錄

聲聲慢

二調

水龍吟

二調

一萼紅

祝英臺近

二調

月下笛

綺羅香

洞仙歌

新雁過妝樓

江神子

塞翁吟

風入松 二調

瑤臺聚八仙

疎影

木蘭花慢

還京樂

梅子黃時雨

西子妝慢

湘月

山中白雲詞目錄

長亭怨 二調

徵招

法曲獻仙音

渡江雲

鬪嬋娟

暗香

玉漏遲

卷三

西河

玲瓏四犯

淒涼犯

聲聲慢 二調

燭影搖紅

憶舊遊

春從天上來

甘州 五調

慶清朝

眞珠簾 二調

山中白雲詞目錄

四

城書室

探春慢

風入松

渡江雲

探芳信

徵招

一萼紅

高陽臺

臺城路

桂枝香

慶春宮

長亭怨

疎影

湘月

大聖樂

瑞鶴仙

祝英臺近

戀繡衾

浣溪紗

山中白雲詞目錄

五

城書室

菩薩蠻

四字令

卷四

聲聲慢

二調

杏花天

醉落魄

甘州

小重山

木蘭花慢

四調

玉蝴蝶

南樓令 三調

國香

探春

燭影搖紅

意難忘

壺中天 三調

清波引

暗香

山口白雲詞目錄

一萼紅

霜葉飛

憶舊遊

瀟湘雨

臺城路

瑤臺聚八仙

摸魚子

風入松

數花風

淡黃柳

清平樂 二調

虞美人

減字木蘭花

踏莎行

南鄉子

蝶戀花 三調

卷五

燭影搖紅

山口白雲詞目錄

露華

解語花

祝英臺近 二調

瑤臺聚八仙 五調

滿江紅 二調

摸魚子

南鄉子

南樓令

醉落魄

壺中天 四調

聲聲慢

清平樂

臺城路 四調

如夢令 二調

桂枝香

西江月

霜葉飛

蝶戀花

山中白雲詞目錄

八

城書室

甘州 二調

江城子

木蘭花慢

月下笛

惜紅衣

卷六

紅情

綠意

虞美人

踏莎行

南鄉子

臨江仙

南樓令

二調

摸魚子

臺城路

華胥引

風入松

三調

浪淘沙

二調

夜飛鵲

石州慢

清平樂

三調

點絳脣

卜算子

蝶戀花

二調

新雁過妝樓

洞仙歌

小重山

山中白雲詞目錄

九

城書室

憶王孫

如夢令

醜奴兒

浣溪紗

木蘭花慢

長相思

滿江紅

卷七

法曲獻仙音

山中白雲詞目錄

浣溪紗

三調

一枝春

水調歌頭

南樓令

二調

南鄉子

朝中措

採桑子

阮郎歸

風入松

三調

踏莎行

鷓鴣天

摸魚子

滿江紅

木蘭花慢 二調

浪淘沙 三調

臨江仙

壺中天 三調

謁金門

山中白雲詞目錄

清平樂 二調

漁家傲 二調

西江月

甘州

祝英臺近

臺城路

卷八

長亭怨

憶舊遊

踏莎行 二調

浪淘沙

西江月

珍珠令

壺中天

摸魚子

好事近

小重山

蝶戀花

南樓令

風入松 二調

聲聲慢 三調

木蘭花慢

清平樂 六調

臨江仙

思佳客

漁歌子 十調

一剪梅

山中白雲詞目錄

十一

城書室

南鄉子

柳梢青

南歌子

青玉案

山中白雲詞目錄

山中白雲詞目錄

三

城書室

山中白雲詞目錄

青玉案

南歌子

柳梢青

南鄉子

山中白雲詞卷一

西秦玉田生張炎叔夏著

南浦

春水

波暖綠粼粼燕飛來好是蘇堤纔曉魚沒浪痕圓
流紅去翻笑東風難掃荒橋斷浦柳陰撐出扁舟
小回首池塘青欲遍絕似夢中芳草 和雲流出
空山甚年年淨洗花香不了新綠乍生時孤村路
猶憶那回曾到餘情渺渺茂林觴詠如今悄前度
劉郎歸去後溪上碧桃多少

山中白雲詞卷一

城書室

別溪燕感游絲一作掠漾粼粼鴨綠光動晴曉

一作碎

何處落紅多芳菲夢翻入嫩蕢一作碎

深藻一番夜雨一番吟老池塘草寂歷一作柳下

斷橋人欲一作不渡還見柳陰舟小一作還棹

和雲流出空山甚年年淨洗花香不了新

綠乍生時孤村路猶憶那時曾到傳觴事杳

茂林應是依然好一作可憐難詠蘭試問清

流今在否一作賦情謾心碎浮萍多少一作門外



潮平
渡小

高陽臺

西湖春感

接葉巢鶯

一作暗柳藏鶯

平一作明波捲絮斷橋斜日歸船

能幾番游看花又是明年東風且伴薔薇住到薔

薇春已堪憐更

一作最

悽然萬綠西冷一抹荒烟

當年燕子知

一作歸

何處但苔深韋曲草暗斜川見

說新愁如今也到鷗邊無心再續

一作結

笙歌夢掩

重門淺醉閒眠莫開簾怕見飛花怕聽啼鶯

山口白雲詞卷一

二

城書室

憶舊遊

大都長春宮卽舊之太極宮也

看方壺擁翠太極垂光積雪初晴闔闔開黃道正

綠章封事飛上層青古臺半壓琪樹引袖拂寒

一作天星見玉冷閒坡金明邃宇人住深清幽尋自

來去對

一作嘆

華表千年天籟無聲

一作草暗碑陰

別一作中

有長生路看花開花落何處無春露臺深鎖丹氣

隔水喚青禽尚記得歸時鶴衣散影都是雲

淒涼犯

北遊道中寄懷

蕭疎野柳嘶寒馬，蘆花深還一本無見游獵山勢

北來甚時曾到醉魂飛，越酸風自咽擁吟鼻征衣

暗裂正淒迷天涯，羈旅不似灞橋雪誰念而今

一作老懶賦長楊倦懷休說一作極目寒波坐分黃葉空憐斷

梗夢依依歲華輕別待擊歌壺怕如意和冰凍折

且行行平沙萬里盡是月

壺中天

夜渡古黃河與沈堯道曾子敬同賦

山中白雲詞卷一

三

城書室

揚舲萬里笑當年底事中分南北須信平生無夢

到却向而今遊歷老柳官河斜陽古道風定一作

波猶直野人驚問汎槎何處狂一作客迎面落

葉蕭蕭水流沙共遠都無行跡衰草淒迷秋更綠

惟有閒鷗獨立浪挾一作天浮山邀雲去銀浦橫

空碧扣舷歌斷海蟾飛上孤白

別御風萬里問當年何事中分南北須信人生

無夢到却笑如今游歷古柳關河斜陽山海

落雁秋聲急野人驚見汎槎何處狂客雲

外散髮吟商任天荒地老露盤猶泣水闌不
容鷗獨占一棹芙蓉香濕蟹舍燈深漁鄉笛
遠醉眼畱空碧夜涼人靜霽蟾飛上孤白

聲聲慢

都下與沈堯道同賦

別本作北游答
曾心傳惠詩

平沙催

一作籠

曉野水驚寒遙岑寸碧烟空萬里冰

霜一夜換却西風晴稍漸無墜葉撼秋聲都是梧
桐情正遠奈吟湘一作商賦楚近日偏慵客裏依

然清事愛窗深帳暖戲揀香筒片霎歸程無奈夢

山中白雲詞卷一

四

城書室

與心同空教故林怨鶴掩開門明月山中春又小
甚梅花猶自未逢

綺羅香

席間代人賦情

候館深燈遼天斷羽近日音書疑絕轉眼傷心慵
看剩歌殘闕纔忘了還着思量待去也怎禁離別
恨只恨桃葉空江殷勤不似謝紅葉良宵誰念
一作見哽咽對熏爐象尺閒伴淒切獨立西風猶憶

舊家時節隨款步花密藏春聽私語柳疎嫌月今

休問燕約鶯期夢遊空趁蝶

慶春宮

都下寒食遊人甚盛水邊花外多麗環集
各以柳圈祓禊而去亦京洛舊事也

波蕩蘭觴鄰分杏酪晝輝冉冉

一作快風麗日

烘晴罨索

飛仙戲船移景薄遊也自忖人短橋虛市

一作蕙風來處

聽隔柳誰家

水一作綠人家

賣餠月題爭繫油壁相連笑

語逢迎

池亭小隊秦箏就地圍香臨水湔裙冶

態飄雲醉妝扶玉未應聞了芳情旅懷無限忍不

山中白雲詞卷一

五

城書室

住低低問春梨花落盡一點新愁

一作煙

曾到西冷

國香

沈梅嬌杭妓也忽於京都見之把酒相勞

苦猶能歌周清真意難忘臺城路二曲

因囑余記其事詞成以羅帕書之

鶯柳煙堤記未吟青子曾比紅兒嫵嬌弄春微透

鬢翠雙垂不道留仙不住便無夢吹到南枝相看

兩流落掩面凝羞怕說當時

淒涼歌楚調嫺餘

音不放一朵雲飛丁香枝上幾度款語深期拜了

花梢淡月最難忘
弄影牽衣無端動
人處過了黃昏
猶道休歸

臺城路

庚辰秋九月之北遇汪菊坡一見若驚相

對如夢回憶舊遊已十八年矣因賦此

詞別本菊坡作蘭坡

十年前事翻疑夢
重逢可憐俱老水國春空山城

歲晚無語相看一笑荷衣換了任京洛一作國塵沙

冷凝風帽見說吟情近來不到謝池草懽遊曾

山中白雲詞卷一

六

城書室

步翠窈亂紅迷紫曲芳意今一作多少舞扇招香

歌撓喚玉猶一作翻憶錢塘蘇小無端暗惱又幾度

畱連燕昏鶯曉回首妝樓甚時重一作歸去好

三姝媚

海雲寺千葉杏二株奇麗可觀江南所無

越一日過傅巖起清晏堂見古甌中數

枝云自海雲來名芙蓉杏因愛玩不去

巖起索賦此曲

芙蓉城伴侶乍卸却單衣茜羅重護傍水開時細

看來渾似阮郎前度記得小樓聽一夜江南春雨
夢醒簫聲流水青蘋舊遊何許誰剪層芳深貯
使洗盡長安半面塵土絕似桃根帶笑痕來伴柳
枝嬌舞莫是孤村試與問酒家何處曾醉梢頭雙
果園林未暑

甘州

庚寅歲沈堯道同余北歸各處杭越踰歲
堯道來問寂寞語笑數日又復別去賦

此曲并寄趙學舟

別本庚寅作辛卯堯道作秋江趙學舟作

會心傳

山中白雲詞卷一

七

城書室

記玉關踏雪事清遊寒氣脆貂裘傷枯林古道長
河飲馬此意悠悠短夢依然江表老淚灑西州一
字無題處落葉都愁載取白雲歸去問一作誰
畱楚佩弄影中州折蘆花贈遠零落一身秋向尋
常野橋流水待招來不是舊沙鷗空懷感有斜陽
處却怕登樓

聲聲慢

爲高菊墅賦

別本墅作澗

寒花清事老圃閒人相看秋色一作行吟曉氣霏霏帶葉

分根空翠半濕荷衣沅湘舊愁未減有黃金難鑄

相思但醉裏把苔牋重譜不許春知聊慰幽懷

古意且頻簪短帽休怨斜暉采摘無多一笑竟日

忘歸從教護香徑小似東山還似東籬待去隱怕

如今不是晉時

掃花遊

賦高疎寮東墅園

煙霞萬壑記曲徑幽尋霽痕初曉綠窗窈窕看隨

山中白雲詞卷一

八

城書室

花甃石就泉通沼幾日不來一片蒼雲未掃自長

嘯一作度層峭

悵喬木荒涼

一作依依

都是殘照

碧天秋

浩渺聽虛籟泠泠飛下孤峭

一作稱刻竹微吟卧雲孤嘯

山空

翠老步仙風怕有采芝人到野色閒門芳草不除

更好境深悄比斜川又清多少

瑣窗寒

王碧山又號中仙越人也能文工詞琢語

峭拔有白石意度今絕響矣余悼之玉

笥山所謂長歌之哀過於痛哭

斷碧分山空簾剩

一作時

月故人天外香留

一作酒迷

帶蝴蝶一生花裏想如

一作猶今醉怨

一作魂未醒

正迷夜臺夢語秋聲碎自中仙去後詞牋賦筆便無

清致都是淒涼意

一作慵指歡娛地

悵

一作正玉筍埋雲

錦袍

一作衣

歸水形容憔悴料應也孤吟山鬼那知

人彈折素絃黃金鑄出相思淚但柳枝門掩枯陰

候蛩愁暗葦

木蘭花慢

爲越僧樵隱賦樵山

山白雲詞卷一

九

城書室

龜峰深處隱巖壑靜萬塵空任一路白雲山童休

掃却似崆峒只恐

一作休教

爛柯人到怕光陰不與世

間同旋采生枝帶葉微煎石鼎團龍

從容吟嘯

百年翁行樂少扶筇向鏡水傳心柴桑袖手門掩

清風如何晉人去後好林泉都在夕陽中禪外更

無今古醉歸明月千松

別本

龜峰游處隱巖壑靜萬塵空聽隔竹敲茶穿

花喚酒曲徑幽通何人爛柯已久怕光陰不

與世間同只住白雲一半任他一半眠龍

崆峒吟嘯百年翁近日一枝筇向鏡水傳心
柴桑袖手門掩清風如何晉人去後好林泉
多在夕陽中禪外更無今古醉歸明月千松
三姝媚

送舒亦山遊越

蒼潭一作臺枯海樹正雪竇高寒水聲東去古意蕭

閒問結廬人遠白雲誰侶賀監猶狂還散跡千巖

風露一作雨抱瑟空遊都是淒涼此愁難一作誰語

莫趁江湖鷗鷺怕太乙爐荒一作烟暗銷鉛虎投老

山中白雲詞卷一

十

城書室

心情未歸來何事共成羈旅布韉青鞵休誤入桃
源深處待得重逢却說巴山夜雨

掃花遊

台城春飲醉餘偶賦不知詞之所以然

嫩寒禁暖正草色侵衣野光如洗去城數里繞長
堤是柳釣船深艤小立斜陽試數花風第幾問春
意待留取斷紅心事難寄芳訊成撚指甚違客
他鄉老懷如此醉餘夢裏尚分明認得舊時羅綺
可惜空簾誤却歸來燕子勝遊地想依然斷橋流

水

別本嫩寒禁暖傍潤綠人家野船深艤去城數里

共微開笑口□如傾耳倦立斜陽試數花風

第幾問春意待留取斷紅心事難寄芳訊

成撚指甚又客他山老懷如此醉餘夢裏尚

分明認得舊時羅綺暮色簾空誤却歸來燕

子段橋外繞西湖萬花流水

臺城路

杭友抵越過鑑曲漁舍會飲

山中白雲詞卷一

二

城書室

春風不暖垂楊樹

一作柳

吹却絮雲綿

一作

多少燕子

人家夕陽巷陌行入野畦深窈窕花鬪草記小舫

尋芳斷橋初曉那日心情幾人同向近來老銷

憂何處最好夜遊頻秉燭猶是遲了南浦歌闌東

林社冷贏得如今懷抱吟悰暗惱待醉也慵聽勸

一作歸啼鳥怕攪離愁亂紅休去掃

疎影

余於庚寅歲北歸與西湖諸友夜酌因有

感於舊遊寄周草窗

別本庚寅作辛卯

柳黃未結放嫩晴消盡斷橋殘雪隔水人家渾是
花陰曾醉好春時節輕車幾度新堤一作西泠曉想如

今燕鶯猶說縱豔遊得似當年早是舊情都別

重到翻方一作疑夢醒弄泉試照影驚見華髮却笑

歸來石老雲荒身世飄然一葉閉門約住青山色

自容與吟窗清絕怕夜寒吹到梅花梢一作梢休捲半

簾明月

渡江雲

山陰久客一再逢春回憶西杭渺然愁思

山陰白雲詞卷一

三

城書室

別本作久客山陰王翁
存問余近作書以寄之

山空天入海一作野光倚樓望極風急暮潮初一作

清入燒痕初一簾鳩外雨幾處閒田隔水動春鋤新煙

禁柳想如今綠到西湖猶記得當年深隱一作風流心事

門掩兩三株愁余荒洲一作煙古澗斷梗疎萍更

漂流何處空自覺圍羞帶減影却燈孤常疑卽見

桃花面甚近來翻笑無書書縱遠如何夢也都無

瑣窗寒

旅窗孤寂雨意垂垂買舟西渡未能也賦

此爲錢塘故人韓竹間問

亂雨敲春深煙帶晚水窗慵凭空簾謾捲數日更

無花影怕依然舊時歸燕定應一作未識江南冷

最憐他樹底蔦紅不語背人吹盡清潤通幽徑

待移燈剪韭試香温鼎分明醉裏過了幾番風一作

花信想竹間高閣半閒小車未來猶自等傍新晴

隔柳呼船待教一作潮信一作穩

憶舊遊

新朋故侶詩酒遲留吳山蒼蒼渺渺兮余

山中白雲詞卷一

十一

城書室

懷也寄沈堯道諸公

記開簾過酒隔水懸燈一作花樓放一作梅檻移春款語梅一作燈

邊未了清遊一作烟波興又飄然獨去何處山川一作重聽

絃湘淡風暗收榆莢吹下一作沈郎錢嘆客裏光陰

消磨豔冶都在尊前雷連帶人處是鏡曲窺鷺

蘭阜一作沼圍泉醉拂珊瑚樹寫百年幽恨分付吟

苔一作戕故鄉幾回飛夢江雨夜涼一作吹船縱忘

却歸期千山未必無杜鵑

水龍吟

白蓮

仙人掌上芙蓉涓涓猶濕金盤露輕妝照水織裳
玉立飄飄似舞幾度銷凝滿湖煙月一汀鷗鷺記
小舟夜悄波明香遠渾不見花開處應是浣紗
人妒褪紅衣被誰輕誤閒情淡雅冶容一作姿清潤
憑嬌待語隔浦相逢偶然傾蓋似傳心素怕相臯
珮解綠雲十里捲西風去

別本

仙人掌上芙蓉涓涓猶滴金盤露輕妝照水

織裳玉立無言自舞幾度銷凝滿湖煙月一

山中白雲詞卷一

十四

城書室

汀鷗鷺記小舟清夜波明香遠渾不見花開
處應是浣紗人妒褪紅衣被誰輕悞何郎

淡雅一作意態

六郎清致

一作標格

冷然意趣待折瓊

芳楚江難涉那知延佇怕湘娥佩解綠雲千
里捲西風去

憶舊遊

余離群索居與趙元父一別四載癸巳春
於古杭見之形容憔悴故態頓消以余
之況味又有甚於元父者抑重余之惜

因賦此調且寄元父當爲余愀然而悲也

嘆江潭樹老杜曲門荒同賦

一作是

飄零乍見翻疑

夢對蕭蕭亂髮都是愁根秉燭故人歸後花月

一作

花夜一作銅雀

鎖春深縱草帶堪題爭如片葉能寄殷勤

重尋已無處尚記得依稀柳下芳

一作東

鄰佇立

香一作東

風外抱孤愁悽惋羞燕慚鶯俯仰十年前

事醉後

一作語

醒還驚又曉日千峰涓涓露濕花氣

生

山中白雲詞卷一

五

城書室

甘州

題趙葑牖山居見天地心怡顏小柴桑作

其亭名

倚危樓一笛翠屏空萬里見天心度野光清峭晴
峯湧日冷石生雲簾捲小亭虛院無地不花陰徑
曲知何處春水泠泠 嘯傲柴桑影裏且怡顏莫
問誰古誰今任燕留鷗住聊復慰幽情愛吾廬點
塵難到好林泉都付與閒人還知否元來卜隱不
在山深

摸魚子

高愛山隱居

愛吾廬傍湖千頃蒼茫一片清潤晴嵐暖翠融融
處花影倒窺天鏡沙浦迴看野水涵波隔柳橫孤
艇眠鷗未醒甚占得蓴鄉都無人見斜照起春暝
還重省豈料山中秦一作無晉桃源今度一作殘
難認林間卽是長生一作桃源路一笑元非捷徑深更
靜待散髮吹簫跨鶴一作崔背天風冷憑高露飲正碧
落塵空光搖半壁月在萬松頂

山中白雲詞卷一

十六

城書室

風入松

賦稼村

老來學圃樂年華茅屋短籬遮兒孫戲逐田翁去
小橋橫路轉三叉細雨一犁春意西風萬寶生涯
攜筇猶記渡晴沙流水帶寒鴉門前少得寬閒
地遠平疇盡是桑麻却笑牧童遙指杏花深處人
家

鳳凰臺上憶吹簫

趙主簿姚江人也風流蘊藉放情花柳老

之將至况味凄然以其號孤蓬囑余賦之

水國浮家漁村古隱浪遊慣占花深猶記得琵琶
半面曾濕衫青不道江空歲晚桃葉渡還嘆飄零
因乘興醉夢醒時却是山陰投閒倦呼儔侶竟
棹入蘆花俗客難尋風渺渺雲拖暮雪獨釣寒清
遠溯流光萬里渾錯認片竹寰瀛元來是天上太
乙真人

解連環

山中白雲詞卷一

二

城書室

孤雁

楚江空晚悵離群萬里恍然驚散自顧影欲下寒

塘

一作江

正沙淨

一作靜

草枯水平天遠寫不成書只

寄得相思一點料因循誤了殘氈擁雪故人心眼
誰憐旅愁荏苒謾長門夜悄錦箏彈怨想伴侶
猶宿蘆花也曾念春前去程應轉暮雨相呼怕驀
地玉關重見未羞他雙燕歸來晝

一作露

簾半捲

滿庭芳

小春

晴皎一作卷霜花曉鎔冰羽一作掩閣烘開簾一作今朝

覺道寒輕誤聞啼鳥生意又園林閒了淒涼賦筆

便而一作如今不聽秋聲消凝處一枝借暖一作苔枝數點

終是未多情陽和能幾許尋紅探粉也恁怵人

笑隣娃癡小料理護花鈴却怕驚回睡蝶恐和他

草夢都醒還知否能消幾日風雪灞橋深

憶舊遊

登蓬萊閣別本登下有越州二字

問蓬萊何處風月依然萬里江清休說神仙事便

山中白雲詞卷一

六

城書室

神仙縱有卽是閒人笑我幾番醒醉石磴掃松陰

任一作甚狂客難招采芳難贈且自微吟俯仰成

陳迹嘆百年誰在闌檻孤憑海日生殘夜看卧龍

和夢飛入秋冥還聽水聲東去山冷不生雲正目

極空寒一作萬里高寒蕭蕭漢柏愁茂陵

解連環

拜陳西麓墓

句章城郭問千年往事一作事往幾回歸鶴嘆貞元朝

士無多又日冷湖陰柳邊門鑰向北來時無處認

江南花落縱荷衣未改病損茂陵總是離索 山
中故人去却但碎寒峴首舊景如昨悵二喬空老
春深正歌斷簾空草暗一作昏銅雀楚魄難招被萬
疊閒雲迷着料猶是聽風聽雨一作水朗吟夜壑山
樓扁萬
疊雲

海上小隱翁曹炳曾巢南重訂

姪 一士 諤廷 全校
男 培 廉 敬 三

山中白雲詞卷一

九

城書室

山中白雲詞卷一

山中白雲詞卷二

西秦玉田生張炎叔夏著

臺城路

寄姚江太白山人陳文卿別本文卿作又新

薛濤牋上相思字重開又還重摺載酒船空眠波
柳老一縷離痕難折虛沙動月嘆千里悲歌唾壺
敲缺却說巴山此時懷抱那時節寒香深處話
別病來渾瘦損懶賦情切太白閒雲新豐舊雨多
少英遊消歇回潮似咽送一點秋一作愁心故人天

山中白雲詞卷二

一 城書室

末江影沉沉露一作夜涼鷗夢闊却說二句詞綜本
作記得巴山此時

懷抱那時說與
此二本皆不同

別薛濤牋上相思字重開又還重摺太白秋聲

東瀛柳色誰把柔條相一作猶結虛沙動月嘆

千里悲歌唾壺敲缺却說巴山這回知是甚

時節紅香深處話別病來渾瘦損獨抱情

切笑裏移春吟邊嘅古多少英雄消歇回潮

似咽送一點秋心故人天末江影沉沉露涼

鷗夢闊

聲聲慢

送琴友季靜軒還杭

荷衣消翠蕙帶餘香燈前共語生平苦竹黃蘆都
是夢裏游情西湖幾番夜雨怕如今冷却鷗盟倩
寄遠見故人說道杜老飄零 難挽清風一作冷然飛

珮有相思都在斷柳長汀此別何如一笑寫入瑤

琴天空水雲變色任悄悄山鬼愁聽興未已一作待去

也一作更又 何妨彈到廣陵

水龍吟

山中白雲詞卷二

二

城書室

春晚留別故人

別本春晚
作客中

亂紅飛已

一作盡

無多豔遊終是如今少一番雨過

一作遇雨

一番春減催人漸老倚檻調鶯捲簾收燕故

園空杳奈關愁不

一作未

住悠悠萬里渾恰似一作却

似天涯草

不擬

一作礙

相逢古

一作道

道一作長纔

疑夢又還驚覺清風在柳江搖白浪舟行趁曉一作

吟窗剪燭郵亭

遮莫重來不如休去怎堪懷抱那

知又五柳門荒曾

一作多

聽得鶉啼了

一萼紅

賦紅梅

倚闌干問綠華何事偷餌九還一作華丹浣錦溪邊

殞霞竹裏一作外翠袖不倚天寒照芳一作苔樹晴光

泛曉護一作誤么鳳無處認冰顏露洗春腴風搖醉

翠一作魄聽笛江南一作樹掛珊瑚冷月嘆玉奴

妝褪仙掾詩慳一作閒謾覓花雲不同梨夢一作素被羞熏

梨雲無夢推蓬恍記孤山步夜雪前村問酒幾銷凝把

做杏花看得似古桃流水不到人間

祝英臺近

山中白雲詞卷二

三

城書室

與周草窗話舊

水痕一作草痕深花信足一作了寂寞漢南樹轉首青一作

清陰芳事一作意頓如許不知多少銷魂夜來風雨

猶夢到斷紅流處最無據長年息影空山愁入

庾郎句玉老田荒心事已遲暮幾回聽得啼鶻不

如歸去終不似舊時鸚鵡

月下笛

孤遊萬竹山中閒門落葉愁思黯然因動

黍離之感時寓甬東積翠山舍

萬里一作竹孤雲一作峯清遊漸遠故人何處寒窗夢

裏猶一作會記經行舊時路連昌約略無多柳第一

是難聽夜雨謾驚回淒悄相看竹影擁衾誰語

張緒歸何暮半零落依依斷橋鷗鷺天涯倦旅一作

抱此時心事良苦只愁重洒西州淚問杜曲人家

在否一作怕不是當初伴侶恐翠袖正天寒猶倚梅花那樹

水龍吟

寄袁竹初

幾番問竹平安雁書不盡相思字籬根半樹村深

山中白雲詞卷二

四

城書室

孤艇闌干屢倚遠草兼雲凍河膠雪此時行李望

去程無數并州回首還又渡桑乾水笑我曾遊

萬里甚匆匆便成歸計江空歲晚栖遲猶在吳頭

楚尾疎一作獨柳經寒斷槎浮一作漂月依然憔悴待

相逢說與相思想亦在相思裏

綺羅香

紅葉

萬里飛霜一作霜飛一夜新霜一作霜千林落木一作千木落寒豔不

招春妒一作翻楓冷吳江獨客又吟愁句正船艤

流水孤村似花繞斜陽歸路一作芳樹甚荒溝一片淒

涼載情不去載愁一作秋去長安誰問倦旅羞見

衰顏借酒飄零如許慢倚新妝不入洛陽花譜一作

小字金書心事已成塵土爲回風起舞尊前盡化作斷霞千縷

記陰陰綠遍江南夜窗聽暗雨

洞仙歌

觀王碧山花外詞集有感

野一作亂鶻啼月便角中還第輕擲詩瓢付一作趁流

水最無端小院寂歷一作寞春空門自掩柳髮離離

山中白雲詞卷二

五

城書室

如此可惜歡娛地雨冷雲昏不見當時譜銀字

舊曲怯重翻總是離愁一作愁音淚痕灑一簾花碎夢

沉沉知道不歸來尚錯問桃根醉魂醒未

新雁過妝樓

賦菊

風雨不來深院悄一作曉清事正滿東籬杖藜重到

秋氣冉冉吹衣瘦碧飄蕭搖露梗賦黃秀野拂霜

枝憶芳時時翠微喚酒江雁初飛湘潭一作澤無人

弔楚嘆落莫自采誰寄一作記相思淡泊生涯聊伴

老圃斜暉寒香應遍故里想鶴怨山空猶一作人未
歸歸何晚問徑松不語只有花知

江神子

孫虛齋作四雲庵俾余賦之兩雲之間

奇峰相對接珠庭乍微晴又微陰舍北江東如益
自亭亭翻笑天台連雁蕩隔一片不逢君 此中
幽趣許誰隣境雙清人獨清采藥難尋童子語山
深絕似醉翁遊樂意林壑靜聽泉聲

塞翁吟

山中白雲詞卷二

六

城書室

友雲

交到無心處出岫細話幽期看流水意俱遲且淡
薄相依凌霄未肯從龍去物外共鶴忘機迷古洞
掩晴暉翠影濕行衣 飛飛垂天翼飄然萬里愁
日暮佳人未歸尚記得巴山夜雨耿無語共說生
平都付陶詩休題五朵莫夢陽臺不贈相思

祝英臺近

耕雲

占寬閒鉏浩渺船艤水村悄非霧一作靄非煙生氣

一作
意 覆瑤草蒙茸數畝春陰夢魂落寞知踏碎梨

花多少 聽孤嘯山淺種玉人歸縹緲度晴峭鶴

下芝田五色散微照笑他隔浦誰家半江疎雨空

吟斷一犁清曉

風入松

岫雲

捲舒無意入虛玄丘壑伴雲煙石根清氣千年潤
覆孤松深護啼猿靄靄靜隨仙隱悠悠閒對僧眠

傍花懶向小溪邊空谷覆流泉浮蹤自感今如

山中白雲詞卷二

七

城書室

此已無心萬里行天記得晉人歸去御風飛過斜
川

瑤臺聚八仙

爲野舟賦

帶雨春潮人不渡沙外曉色迢遙自橫深靜誰見
隔柳停橈知我知魚未是樂轉蓬閒趁白鷗招任
風飄夜來酒醒何處江皋 泛宅浮家更好度菰
蒲影裏濯足吹簫坐閱千帆空競萬里波濤他年
五湖訪隱第一是吳淞第四橋玄真子共遊煙水

人月俱高

疎影

梅影

黃昏片月似

一作映

碎陰滿地還更清絕枝北枝南

疑有疑無幾度背燈難折依稀倩

一作覩

女離魂處

緩步出前村時節看夜深竹外橫斜應妒過雲明

減 窺鏡蛾眉淡林爲容不在貌獨抱孤潔莫是

花光描取春痕不怕麗譙吹徹還驚海上燃犀去

一作處

照水底珊瑚如

一作疑

活做弄得酒醒天寒空

山中白雲詞卷二

八

城書室

對一庭香雪

木蘭花慢

書鄧牧心東遊詩卷後

采芳洲薜荔流水外白鷗前度萬壑千巖晴嵐暖

翠心目娟娟山川自今自古怕依然認得米家船

明月閒延夜語落花靜擁春眠吟邊象筆蠻牋

清絕處小留連正寂寂江潭樹猶如此那更啼鶻

居屢閉門隱几好林泉都在臥遊邊

一作編

記得當

時舊事誤人却是桃源

風入松

陳文卿酒邊偶賦

小窗晴碧颭簾波
晝影舞飛梭
惜春休一作猶問花

多少柳成陰一作陰成一作柳陰中
春已無多金字一作塵篋初

尋小扇銖衣一作山房一作試泥金巧
扇初裁水碧輕羅

園林未肯受清和人醉牡丹坡嘯歌且盡平生事

問東風畢竟如何燕子尋常巷陌酒邊莫唱西河

臺城路

遊北山寺別本作雪竇寺訪同野雲日東巖

山中白雲詞卷二 九 城書室

雲多一作深不記山深淺
人行半天巖壑曠野飛聲

虛空倒一作側影松挂危峰
疑落流泉噴薄自窈窕

尋源引瓢孤酌倦倚高寒
少年遊事老方覺幽

尋閒院邃閣樹涼僧坐夏
翻笑一作深占行樂近竹驚

秋一作茶穿蘿誤晚一作閒都把塵緣消却
東林似

昨一作東待學取當年晉人會
約童子何知故山

空放鶴一作算只有淵明至今寥
寞動是千年未歸華表鶴

還京樂

送陳行之歸吳

醉吟一作遊處多是琴尊竟日松下語有筆牀茶竈

瘦筇相引逢花須住正翠陰迷路年光一作華荏苒

成孤旅待趁燕檣休忘了玄都前度漸煙波遠

怕五湖淒冷一作西子佳人袖薄修竹依依日暮一作依然

見了須說知他甚處日一作來重逢一作忙便匆匆一作忙

背一作帶潮一作人歸去莫因循誤了一作却幽期應辜

舊雨佇立山風晚月明一作明月搖碎江樹

臺城路

章靜山別業會飲

山口白雲詞卷二

一

城書室

一窗煙雨不除草移家靜藏深窈東晉圖書南山

杞菊誰識幽居懷抱疎陰未掃嘆喬木猶存易分

殘照慷慨悲歌故人多向近來老一作少相逢何

事欠早愛吟心共苦此意難表野水無鷗閒門斷

柳不滿清風一笑荷衣製了待尋壑經丘遡雲孤

嘯學取淵明抱琴歸去好

梅子黃時雨

病後別羅江諸友別本作病中懷歸

流水孤村愛塵事頓消來訪深隱向醉裏誰扶滿

身花影鷗鷺相看如一作鷺瘦近來一作茂陵不是傷

春病嗟流景竹外野橋猶繫煙艇誰引斜川歸

興便啼鶻縱少無奈一作爭忍時聽待棹擊空明魚一作

烟波千頃彈到琵琶留不住最愁人是黃昏近江

風緊一行柳陰吹暝

西子妝慢

吳夢窗自製此曲余喜其聲調妍雅久欲

述之而未能甲午春寓羅江與羅景良

野遊江上綠陰芳草景况離離因填此

山中白雲詞卷二 十一 城書室

解惜舊譜零落不能倚聲而歌也別本羅景

良作陳 文卿

白浪搖天青陰漲地一片野懷幽意楊花點點是

春心替風前萬花吹淚遙岑寸碧一作殘有誰識

一作看朝來清氣自沉吟甚流一作風光輕擲一作把繁

華如此斜陽外隱約孤村隔塢閒門閉漁舟何

似一作自莫一作不歸來想桃源路通人世一作問危

橋一作欄靜倚千年事都消一醉謾依依愁落鶻

聲萬里

聲聲慢

賦漁隱

門當竹徑鶯管苔磯煙波自有閒人棹入孤村落
照正滿寒汀桃花遠迷洞口想如今方信無秦醉
夢醒向滄浪容與淨濯蘭纓 欸乃一聲歸去對
筆牀茶竈寄傲幽情雨笠風蓑古意謾說玄真知
魚淡然自樂釣清明空在絲綸笑未已笑嚴陵還
笑渭濱

湘月

山中白雲詞卷二

三

城書室

余載書往來山陰道中每以事奪不能盡
興戊子冬晚與徐平野王中仙曳舟溪
上天空水寒古意蕭颯中仙有詞雅麗
平野作晉雪圖亦清逸可觀余述此詞
蓋白石念奴嬌鬲指聲也

行行且止把乾坤收入一作蓬窗深裏一作把乾

歸蓬星散白鷗三四點數筆橫一作塘秋一作意

岸嘴衝波籬根受一作葉野逕通村市疎風迎面

一作古溼衣原是空翠 堪嘆敲雪門荒爭棋墅

冷苦竹鳴山鬼縱使如今猶有晉無復清遊如此
落日沙黃遠天雲淡弄影蘆花外幾時歸去剪取
一半煙水

長亭怨

爲任次山賦馴鷺

笑海上白鷗盟冷飛過前灘又顧一作自看秋影似我

知魚亂蒲流水動清飲歲華空老猶一縷柔絲戀

頂慵憶鴛行想應是朝回花徑人靜悵離群日

莫都把野情消盡山中舊隱料獨樹尚懸蒼暝引

殘夢直上青天又何處溪風吹醒定莫負歸舟同

載煙波千頃

徵招

聽袁伯長琴

別本琴上有太古二字

秋風一作聲吹碎江南樹石牀自聽流水別鶴不一作

夜歸來引悲風千里餘音猶在耳有誰識醉翁深

意去國情懷草枯沙遠尚鳴山鬼客裏可消憂

人間世寥寥幾年無此杏老古壇荒把淒涼空指

心塵聊更洗傍何處竹邊松底共良夜白月紛紛

娟娟領一天清氣

法曲獻仙音

席上聽琵琶有感

雲隱山暉樹分溪影未放妝臺樓一作簾捲箒窗一作

密籠收一作香鏡圓窺粉一作袖鼎温香倚窗窺粉花深自然寒

淺正人在銀屏底琵琶半遮面語聲軟且休彈

玉關愁一作秋怨怕喚起西湖那時春感楊柳古灣

頭記小憐隔水曾見聽到無聲謾贏得情緒難剪

把一襟心事散入落梅千點

山口白雲詞卷二

四

城書室

渡江雲

懷歸別本作客中寒食書以寫興

江山居一作歸未定貂裘已做空自帶愁歸亂花流

水外訪里尋鄰都是可憐時橋邊燕子似軟語斜

日江籬休問我如今心事錯認鏡中誰還思新

煙驚換舊雨難招做不成春意渾未省誰家芳草

猶夢吟詩一株古柳觀魚港傍清深足可幽棲閒

趣好白鷗尚識天隨

別玉京遊已倦貂裘背雪故國一身歸浣花流

水外訪里尋鄰都是可憐時孤雲邈遠愁倒
影斜日江籬休問取如今成事老鬢漸垂絲
悽悽停杯看劍換鼎分香做不成春意渾
未省誰家芳草猶夢新詩淒涼最是梅邊月
怕夜寒倚竹依依歸去好白鷗認得天隨

鬪嬋娟

春感

別本作故園荒沒懼
事去心有感而作

舊家池沼尋芳處

一作簾
休下

從教飛燕頻繞一灣柳

護水房春看鏡鸞窺曉暈宿酒

一作粉

雙蛾淡掃羅

山白雲詞卷二

五

城書室

襦飄帶腰圍小盡醉方歸去又暗約明朝鬪草誰

解先到

心緒亂若晴

一作游

絲那回遊處墜紅爭

戀殘照近來心事漸無多尚被鶯聲惱便白髮如

今縱少情懷不似前時好謾竚立東風外

一作慢
重省燕

臺
句愁極還省背花一笑

暗香

海濱孤寂有懷秋江作間二友

別本作海濱
孤寂魚

浪不來寄
李商隱

羽音遼邈

一作雁書寥莫
一作故交零落

怪四

一作虛

簷畫

一作靜
悄

近來無鵲木

一作水

葉吹寒極目凝思

一作愁思一作愁凝一作

凝情

倚江閣不信相如便老猶未減當時遊樂但趁

他鬪

一作書

草籌花終是帶離索憶昨更情惡

寂寞夜偏覺

謾認着梅花是君還錯石牀冷落閒掃松

陰與誰酌一自飄零

一作流去遠幾誤了燈前深約

縱到此歸未得幾曾忘却

玉漏遲

登無盡上人山樓

竹多塵自掃幽通徑曲禪房深窈空翠吹衣坐對

山中白雲詞卷二

十六

城書室

閒

一作野

雲舒

一作孤

嘯寒

一作喬

木猶懸故葉又過了

一番殘

一作斜

照經院悄詩夢正迷

一作寒

獨憐衰草

幽一作佳

趣盡屬閒僧渾未識人間落花啼鳥呼

酒凭高莫問四愁三笑可惜秦山晉水甚却向此

時登眺清趣

一作處一作致

少那更好游人老

長亭怨

歲庚寅會吳菊泉於燕薊越八年再會於

甬東未幾別去將復之北遂作此曲

別本

庚寅作辛卯

記橫笛玉關高處萬里沙寒雪深無路破却貂裘
遠遊歸後與一作共誰譜故人何許渾忘了江南舊
雨不擬重逢應笑我飄零如羽 同去鈎珊瑚海
樹底事又成行旅煙篷斷浦更幾點戀人飛絮如
今又京洛一作國尋春定應被薇花畱住且莫把孤
愁說與當時歌舞

海上小隱翁曹炳曾巢南重訂

姪 培琇玉川

曹 培廉敬三 全校

山中白雲詞卷二

七

城書室

山中白雲詞卷二

山中白雲詞卷三

西秦玉田生張炎叔夏著

西河

依綠莊賞荷分淨字韻

別本依上有史元叟三字

花最盛西湖曾泛煙艇鬧紅深處小秦箏斷橋夜
飲鴛鴦水宿不知寒如今翻被驚醒那時事都
倦省闌干來此閒凭是誰分得半機

一作溪

雲恍疑

畫錦想當

別本多年字

飛燕皺裙時舞盤微墮珠粉

軟波不剪素練淨碧盈盈移下秋影醉裏玉書難

山中白雲詞卷三

一

城書室

認且脫巾露髮飄然乘興一葉浮香天風冷

玲瓏四犯

杭友促歸調此寄意

流水人家乍過了斜陽一片蒼樹惟聽秋聲却是
舊愁來處因甚尚客殊鄉自笑我被誰留住問種
桃莫是前度不擬桃花輕誤少年未識相思苦
最難禁此時情緒行雲暗與風流散方信別淚如
雨何況帳空夜鶴一作鶴怨怎奈向如今歸去更可憐
閒裏白了頭還知否

淒涼犯

過隣家見故園有感

別本無題

西風暗剪荷衣碎柔絲不解重緝荒煙斷浦晴暉
零一作 亂半江搖碧悠悠望極忍獨聽秋聲漸急
 更憐他柳髮蕭條相與動愁色 老態今如此猶
 自畱連醉筇遊屐一作慷慨猶歌唾壺空擊 不堪瘦影渺天涯
 儘成行客因甚忘歸謾吹裂山陽夜笛夢三十六
 陂流水去未得

聲聲慢

山口白雲詞卷三

二

城書室

別四明諸友歸杭

山風古道海國輕市相逢只在東瀛淡薄秋光恰
 似此日遊情休嗟鬢絲一作梳 斷雪一作唾壺暗缺 喜開身
 重渡一作入 西泠一作林 又遡遠趁回潮拍岸斷浦
 揚舲 莫向長亭折柳正紛紛落葉同是飄零舊
 隱新招知住第幾層雲疎籬尚存晉菊想依然認
 得淵明待去也最愁人猶戀故人

燭影搖紅

西浙冬春間遊事之盛惟枕爲然余冉冉

老矣始復歸枕與二三友行歌雲舞繡
中亦清時之不樂以詞寫之

舟艤鷗波訪隣尋里愁都散老來猶似柳風流先
露看花眼閒一作重把花枝試揀笑盈盈和香待剪

也應回首紫曲門荒當年一作時遊慣簫鼓黃昏

動人心處一作事情無限錦街不甚月明多早已驕

塵滿纔過風柔夜暖漸迤邐芳程遞趨向西湖去

一作舊會游處那里人家依然鶯燕

憶舊遊

山中白雲詞卷三

三

城書室

過故園有感別本作過隣家望故園有感

記凝妝倚扇笑眼窺簾曾款芳尊步屨交枝逕引
生香不斷流水中分忘了牡丹名字和露撥花根
甚杜牧重來買栽無地都是銷魂空存斷腸草
伴幾摺眉痕幾點啼痕鏡裏芙蓉老問如今何處
綰綠梳雲怕有舊時歸燕猶自識黃昏待說與羈
愁一作追遙知路隔楊柳門

春從天上來

己亥春復回西湖飲靜傳董高士樓作此

解以寫我憂

海上回槎認舊時
鷗鷺猶戀蒹葭影
散香消水流
雲在疎樹十里寒
沙難問錢塘蘇小
都不見擘竹
分茶更堪嗟似向
一作
荻花江上誰弄
一作
嫋嫋却是

琵琶 煙霞自延晚
照盡換了西林
一作
窈窕紋

紗蝴蝶飛來不知是
夢猶疑春在隣家
一掬幽懷

難寫一作未必春一作何處春一作已天涯
減繁

華是山中一作且杜宇一作是一作楊花

甘州

山中白雲詞卷三

四

賦書室

賦衆芳所在

看涓涓兩水自東西
中有百花莊步交枝
逕裏簾分晝影窗聚春
香依約誰教鸚鵡列
屋帶垂楊方喜閒居
好翻為詩忙 多少周
情柳思向一丘一壑
畱戀年光又何心逐
鹿蕉夢正錢塘且休
將扇塵輕障萬山深
不是舊河陽無人識
牡丹開處重

見韓湘

慶清朝

韓亦顏歸隱兩水之濱
殆未遜王右丞
茱

莫灣予從之遊盤花旋竹散懷吟眺一
任所適太白去後三百年無此樂也別本

無太白去
後二句

淺草猶霜融泥未燕晴梢潤葉初乾閒無短策隣

家一作
尋幽

小聚清歡錯認籬根是雪梅花過了一番

寒風還峭較遲芳信却是春殘 此境此時此意

待移琴獨去石冷慵彈飄飄爽氣飛鳥相與俱還

醉裏不知何處

一作潭影
空搖醉魄

好詩盡在夕陽山山深

杳更無人到流水花間

山中白雲詞卷三

五

城書室

真珠簾

梨花

綠房幾夜迎清曉光搖動素月溶溶如水惆悵一

株寒記東闌閒倚近日花邊

一作
間

無舊雨便寂寞

何曾吹淚燭外謾羞得紅妝而今猶睡 琪樹皎

立風前萬塵空獨把飄然清氣雅淡不成嬌擁玲

瓏一作
娟娟

春意落寞

一作
淡淡

雲深詩夢淺但一似唐昌

宮裏元是是分明錯認當時玉蕊

探春慢

雪霽

銀浦流雲綠房迎曉一抹牆腰月淡暖玉生煙懸

冰解凍

一作融露碎類

滴瑤階如霰一作點點纔放些情

意早瘦了梅花一半也知不做花看一作不東風

何事吹散

搖落似易一作

成秋苑甚釀得春來怕

教春見野渡舟回前村門掩應是不勝清怨次第

尋芳去灞橋外蕙香波暖猶妒

一作聽

簷聲看燈人

在深院

別

本銀浦流雲綠房迎曉浮浮光粲初睨燒色初

山口白雲詞卷二

六

城書室

分庭陰還凍猶憶瑤瑤幾片纔放些情意早

消瘦南枝一半也知不做花看向風何事吹

散惆悵瓊林夢斷空釀得春成還怕春見

凍解厓陰漸垂山溜淨洗修脣重展添作寒

江水泛蕙渚波明香滿尚聽簷聲誰家試燈

深院

風入松

春遊別本作
醉花邊

一春不是不尋春終是不忺人好懷漸向中年減

對歌鐘渾沒心一作風情短帽一作夢怕黏飛絮輕衫

厭撲游塵 暖香十里軟一作款鶯聲小舫一作艇綠

楊陰夢隨蝴蝶飄零後尚依依花月關心惆悵一

株一作東闌黎雪明年甚處清明

渡江雲

次趙元父韻

錦香一作薜繚繞地深涼一作涼燈挂壁簾影浪花斜酒

船歸去後轉首河橋那處認紋紗重盟鏡約還記

得前度秦嘉惟只有葉題堪寄一作付流不到天涯

山中白雲詞卷三

七

城書室

驚嗟十年心事幾曲闌干想蕭娘聲價閒過了

黃昏時候疎柳啼鴉浦潮夜湧平沙白一作淨問一作

遡斷鴻知落誰家書又遠空江片月蘆花

探芳信

西湖春感寄草窗別本作次周草窗韻

坐清晝正冶思一作興縈花餘醒倦酒甚采一作採芳

人老芳心尚如舊銷魂忍說銅駝事不是因春瘦

向西園竹掃頽垣蔓蘿荒甃 風雨夜來驟嘆歌

冷鶯簾恨凝蛾袖愁到今年多似去年否舊一作賦

情懶聽山陽笛目極一作短髮空搔首我何堪老却江

潭深柳

聲聲慢

題吳夢窗遺事

別本作題夢窗自度曲霜花腴卷後

煙堤小舫雨屋深燈春衫慣染京塵舞柳歌桃心事暗惱東鄰渾疑夜窗夢蝶到如今猶宿花陰一作待喚起甚江籬搖落化作秋聲回首曲終人

遠一作去黯銷魂忍看朶朶芳雲潤一作戲墨空題惆

悵醉魂難醒獨憐水樓賦筆有斜陽還怕登臨愁

未了聽殘鶯啼過柳陰

徵招

答仇山村見寄

可憐張緒門前柳相看頓非年少三徑已荒涼更如今懷抱薄游渾是感滿煙水一作喬木東風殘照古

調誰彈古音誰賞一作聽歲華空老京洛染緇塵

悠然一作悠悠意獨對南山一笑只在此山中甚相逢

不早瘦吟心共苦知幾度剪燈窗小何時更聽雨

巴山賦草池春曉

甘州

餞草窗歸雪

記天風飛珮紫霞邊顧曲萬花深甚相如情一作游

倦少陵愁老□嘆飄零短夢恍然今昔故國十年

心回首三一作空三徑松竹成陰不恨片蓬南浦

恨剪燈聽雨誰作孤吟料瘦筇歸後閒鎖北山雲

是幾番柳邊竹色是幾番閒一作長醉古園林煙波

遠筆牀茶竈何處逢君

一萼紅

山中白雲詞卷三

九

城書室

弁陽翁新居堂名志雅詞名賡洲漁笛譜

製荷衣傍山窗卜隱雅志可閒時款竹門深移花

檻小動人芳意菲菲怕冷落賡洲夜月想時將漁

笛靜中吹塵外柴桑燈前兒女笑語忘歸分得

煙霞數畝乍掃苔尋徑撥葉通池放鶴幽尋吟鶯

歡事老去却願春遲愛吾廬琴書自樂好襟懷初

不要人知長日一簾芳草一卷新詩

高陽臺

慶承園卽韓平原南園戊寅歲過之僅存

丹桂百餘株有碑記在荆榛中故未有
亦猶今之視昔之感復嘆葛嶺賈相之

故廬也

古木迷鴉虛堂起燕懼遊轉眼驚心南圃東窗酸
風掃盡芳塵鬢貂飛入平原草最可憐渾是秋陰

一作聲

夜沉沉不信歸魂不到花深

吹簫踏葉一作

散

幽尋去任船依斷石袖裏寒雲

一作向橋邊喚酒樹底行吟

老桂懸香珊瑚碎擊無聲

一作身在山中舉頭一片香雲

故園已

是愁如許撫殘碑却又傷今更關情秋水人家斜

白石雲詞卷三

十

城書室

照西冷

一作山林

秋水觀賈相行樂處

臺城路

送周方山遊吳

朗吟未了西湖酒驚心又歌南浦折柳官橋呼船
野渡還聽垂虹一作憶五湖風雨漂流最苦況如此江

山此時情緒怕有鴟夸笑人

一作君

何事載詩去

荒臺祇今在否登臨休望遠都是愁處暗草埋沙

明波洗月誰念天涯羈旅荷陰未暑快料理歸程

一作飛珮歸來

再盟鷗鷺只恐有

一作空山

一作見說江南

近來無

杜宇

桂枝香

送賓月葉公東歸

晴江迴闊又客裏天涯還嘆輕別萬里潮生一櫂
柳絲猶結荷衣好向山中補共飄零幾年霜雪賦
歸何晚依依徑菊弄香時節料此去清遊未歇
引一片秋聲都付吟篋落葉長安古意對人休說
相思只在相留處有孤芳可憐空折舊懷難寫山
陽怨笛夜涼吹月

山中白雲詞卷三

十一

城書室

慶春宮

金粟洞天

蟾窟研霜蜂房點蠟一枝曾伴涼宵清氣初生丹
心未折濃豔到此都消避風歸去貯金屋妝成漢
嬌粟肌微潤和露吹香直與秋高小山舊隱重
一作 誰 招記得相逢古道迢迢把酒長歌插花短舞
誰在水國吹簫餘音何處看萬里星河動搖廣庭
人散月淡天心鶴下銀橋

長亭怨

舊居有感

望花外小橋流水門巷惜惜玉簫聲絕鶴去臺空

珮環何處弄明月十年前事愁千折一作心慵頓

別露粉風香誰爲主都成消歇一作淒咽曉小窗

分袂處同把帶鴛親結江空歲晚便忘了尊前曾

說恨西風不庇寒蟬便掃盡一林殘葉謝一本有

楊柳多情還有綠陰時節他事

甘州

寄李筠房

山口白雲詞卷三

三

城書室

望涓涓一水隱芙蓉幾被暮雲遮正憑高送目一作

望極西風斷雁殘月平沙未覺丹楓盡老搖落已堪

嗟無避秋聲處愁滿天涯一作一自盟鷗別後甚酒

瓢詩錦輕誤年華料荷衣初展不忍負煙霞記前

度剪燈一笑再相逢知一作在那人家空山遠白

雲休贈只贈梅花

前調

趙文升索賦散樂妓桂卿

隔花窺半面帶天香吹動一天秋嘆行雲流水寒

枝夜鵲楊柳灣頭浪打石城風急難繫莫愁舟未
了笙歌夢倚櫂西州 重省尋春樂事奈如今老
去鬢改花羞指斜陽巷陌都是舊曾遊憑寄與采
芳儔侶且不須容易說風流爭得似桃根桃葉明
月妝樓

疎影

題賓月圖

雪空四野照歸心萬里千峰獨立身與天游一洗
襟懷海鏡倒湧秋白一作日相逢懶問盈虧事但脈

山中白雲詞卷三

十三

城書室

脈此情無極是幾番飛蓋追隨桂底露衣香濕
閒款樓臺夜色料水光未許人世先得影裏分明
認得山河一笑亂山橫碧乾坤許大須容我渾忘
了醉鄉猶客待倩誰招下清風共結歲寒三益

湘月

賦雲溪

隨風萬里已無心出岫浮游天地爲問山中何所
有此意不堪持寄淡薄相依行藏自適一片松陰
外石根蒼潤飄飄元是清氣 長伴暗谷泉生晴

光澹灩濕影搖花碎濁濁波濤江漢裏忽見清流
如此枝上瓢空鷗前一作沙淨欲洗幽一作人耳

白蘋洲上浩歌一櫂春水

別從龍萬里渺滄溟一粟浮游天地爲問山中

何所有心事不堪持寄古態行藏閒情舒卷
飛出紅塵外石根蒼潤飄然一片清氣長
伴澗底泉生晴光澹灩濕影搖花碎濁濁波
濤江漢裏忽見清流如此鶴浴沙寒鷗眠竹
淨深會漁翁意白蘋洲上浩歌一櫂春水

山中白雲詞卷三

古

城書室

眞珠簾

近雅軒卽事

雲深別有深一作庭宇小簾櫳一作窗閒一作占

取芳菲一作園林多處花暗水房春潤幾番酥雨見說

蘇堤一作堤邊時未穩便懶一作趁踏青人去休去且

料理琴書夸猶今古誰見靜裏閒心一作靜樂蕭閒

縱荷衣未葺一作雪巢堪賦醉醒一乾坤任此情

何許茂樹石牀同一作坐久一作又却被

清風留住欲住奈簾影妝樓一作剪燈人語

大聖樂

華春堂分韻同趙學舟賦

隱市山林傍家池館頓成佳趣是幾番臨水看雲
就樹攬香一作芳詩滿闌干橫處翠徑小車行花影

聽一片春聲人笑語深庭一作院宇對清晴一作晝漸

長閒教鸚鵡芳情緩尋細數愛碧草平煙一作烟江

紅一作空自雨任燕一作鶯來鶯一作鶯去香凝翠暖

一作間歌酒清時鐘鼓別本無二十四簾冰壺裏

有誰在簫臺猶醉舞吹笙侶倚高寒半天風露

瑞鶴仙

山中白雲詞卷三

五

城書室

趙文升席上代去姬寫懷

楚雲分斷雨問那回因甚琴心先許匆匆話離緒

正花房蜂鬧着春無處殘歌剩舞尚隱約當時院

宇暗銷凝銅雀深深一作從忍一作誰把小喬輕誤

休賦玉尊別後老葉沉溝暗珠還浦歡遊再一作

試數能幾日采芳去一作能幾最一作又無端做了

霎時嬌夢不道風流恁苦把餘情付與秋蛩夜長

自語

祝英臺近

重過西湖書所見

水西船山北酒多為買春去事與雲消飛過舊時

雨謾留一掬相思待題紅葉一作奈紅葉一作更

無題處 正延佇亂花渾不知名嬌小未成語短

擢輕裝一作逢迎段橋路那知楊柳風流柳猶如

此更休道少年張緒

戀繡衾

代題武桂卿扇

山中白雲詞卷三

六

城書室

一枝涼玉欹路塵下瑤臺疑是夢雲怕趁取西風

去被何人拈住皺裙 溫柔只在秋波裏這些兒

真箇動心再同飲花前酒莫都忘今夜夜深

甘州

趙文叔與余賦別十年餘余方東游文叔

北歸况味俱寥落更十年觀此曲又當

何如耶

記當年紫曲戲分花簾影最深深聽惺鬆語笑香

尋古字譜搯新聲散盡一作黃金歌舞一作去後那處

著春情夢醒方知夢夢豈無憑 幾點別餘清淚
盡化作妝樓斷雨殘雲指梢頭舊恨豆蔻結愁一作
秋一心都休問北來南去但依依同是可憐人還
飄泊何時一作處 尊酒却說如今

浣溪紗

犀押重簾水院深柳綿一作楊花撲帳晝愔愔夢回孤
蝶弄春陰 乍減楚一作寒衣收帶眼初勻商一作暖
鼎熨香心燕歸搖動護花鈴

菩薩蠻

蕊香不戀琵琶結舞衣折損藏花蝶春夢未堪憑
幾時春夢真 愁把殘更數淚落燈前雨歌酒一作
舞 可曾忺情懷似去年

四字令

鶯吟翠屏簾吹絮雲東風也怕花嗔帶飛花趕春
隣娃笑迎嬉遊趁晴明朝何處相尋那人家柳
陰

海上小隱翁曹炳曾巢南重訂

男 培廉敬三

姪曹一士謬延全校

傑士電發

山中白雲詞卷三

山中白雲詞卷三

大

城書室



山中白雲詞卷三



04440

